



UNIVERSITÄTS-
BIBLIOTHEK
PADERBORN

**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

5. De consensu Beatæ Virginis.

[urn:nbn:de:hbz:466:1-60091](#)

fectus affectuosè frequentares , quam copiosos cælestis gratiæ riuiulos in aridum animæ tuæ solum deriuares ? imò fontem omnium gratiarum , sponsum cœlestem, ad te inuisendum alliceres !

De consensu Beatae Virginis.

V.

I. Assensum B. Virginis audiè expe-
stat Angelus in eius Oratoriolo,
sanctissima Trinitas in cælo , homines
in mundo, Animæ patrum in lymbo, vti
D Bernardus patheticè describit: *Audi-
sti Virgo factum, audisti & modum, utrum-
que mirum, utrumq; iucundū, expectat An-
gelus responsum. Expectamus & nos, Domi-
na, verbum miserationis, quos miserabiliter
premit sententia damnationis. Et ecce offer-
tur tibi pretium nostra salutis, statim libera-
bimur, si consentis. Hoc supplicat à te, ô pia
virgo flebilis Adam, cum miserâ sobole suâ
exul de paradyso, hoc Abraham, hoc Da-
uid, hoc cateri Patres , Patres scilicet
tui , qui & ipsi habitant in regione um-
bra mortis. Hoc totus mundus tuis genibus
prouolutus expectat . nec immeritò , quando
ex ore tuo pendet consolatio miserorum, re-
demptio captiuorum, liberatio damnatorum,
salus denique ualuerorum filiorum Adam,
totius generis tui. Da virgo responsum feli-
citer*

*Hom. 4.
super
Missus.*

C 6 nan

nanter. O Domina responde verbum, quod
terra, quod inferi, quod expectant & superi.
Ipse quoque omnium rex ac dominus quan-
tum concupisit decorum tuum, tantum de-
siderat & responsionis assensum, in qua ni-
mirum proposuit saluare mundum : Et cui
placuisti in silentio, iam magis placebis ex
verbo: cum ipse tibi clamet è cœlo: O pulchra
inter mulieres fac me audire vocem tuam.
Si ergo tantum eum facis audire vocem tu-
am : ipse te faciet videre salutem nostram.
Responde itaque citius Angelo, immo per
Angelum domino. Responde verbum & su-
scipe Verbum profer verbum tuum, & con-
cipe diuinum. Emitte transitorium & am-
plectere sempiternum. Quid tardas? quid tit-
pidas? crede, confitere, & suscipe. Aperi Virgo
Beata cor fidei, labia confessioni, viscera
Creatori. Ecce desideratus cunctis gentibus
foris pulsat ad ostium.

O ingens dignatio Sanctissimæ Tri-
nitatis ! O ingens ardor amoris Verbi
æterni Patris, sic anhelantis ad tantum
assumendum onus nostræ redemptio-
nis ! Quod onus amore tui mihi dein-
ceps erit recusandum ? imo non vltio
appetendum, non alacriter cum gaudio
amplectendum? Gratitudo, amor, resig-
natio.

II. Beata Virgo, deliberatione debitâ
præ-

præmissâ, cùm viruâ fide, profundissima demissione, ardentissima charitate, absolutissima resignatione, ardentissimo zelo parendi diuino beneplacito consentit, inquiens: *Ecce Ancilla Domini, fiat mihi secundum verbum tuum.* Vbi 1. expende eximiam eius humilitatem, quam exercuit, dum ex intimo corde sentit & dicit: *Ecce Ancilla Domini: agnoscens se totam esse Domini iure creationis, ideoque eius, non suam se debere semper & in omnibus spectare voluntatem illi, non sibi laborare; illi, non sibi lucrari;* illius, non suam quærere gloriam aut commodum: insuper omnibus domesticis & seruis Domini servire cum Abigail dicente Dauidi: *Eccs famula tua sit in Ancillam, ut lauci pedes seruorum Domini mei:* idq; non ob spem mercedis, quæ sibi non deberetur, sed ex debito seruitutis, quo ad hæc omnia teneretur. 2. Expende perfectissimam eius resignationem ad omnia, quæ diuinæ placerent Maiestati, non solum ad acceptandam dignitatem Matri Dei, sed ad omnia etiam onera laborum, persecutionum, opprobriorum illi coniuncta, quæ præsciebat ex prophetis sibi olim cum filio toleranda: absolutissimam obediētiā, alacritatemque exē-

quendi omne diuinum beneplacitum.
Eximiam fidem demū cum summa mo-
destia & diffidentia sui coniunctam
dum inquit: *Fiat mihi agnoscēs id opus*
fōre omnipotētiæ Dei, qui creauit o-
mnia dicens: *Fiat*: quasi dicat: licet me
plus nimio sentiam tanto munere indi-
gnam, & Deus pro libitu suo de me ha-
beat disponere, si tamen consensum me-
um requirit, permitto me eius volunta-
ti. *Secundum verbum tuum*: vel alloquens
Angelum: *Fiat mihi secundum verbum*
tuum, quod dixisti: vel ad Deum con-
uersa: *Secundum verbum tuum*, prout di-
fposuisti: vel, *Secundum verbum tuum æ-*
ternum mōx incarnandum: fiat in me,
fiat quod ille vult. Gratulare Beatæ Vir-
gini de tanta dignitate Matri, & tam
heroicis virtutibus illi diuinitus con-
cessis fide, humilitate, resignatione,
obedientia, easdemque exerce, & imi-
tari propone.

III. Perfecta tam sublimi, ex sententia
legatione Angelus exultans cœlum re-
perit, rationeque eius Deo redditia ad
plura se obsequia promptum exhibet,
totamque cœlestem curiam tam expe-
ctato exhilarat nuncio. Congratulatio
& gaudium de bonis proximorum, &
alacritas parendi hic æmulanda.

De